

**Ethica Symbolica E Fabularum Umbris In Veritatis Lucem
Varia Ervditione Noviter evoluta**

Pexenfelder, Michael

Monachii, 1675

2. Quid Sirenes in S. Scriptura.

[urn:nbn:de:hbz:466:1-68709](#)

si nuper naufragio ejectus in littus, timida navigaturis voce denuntio: In illo æstu, charybdis luxuriæ salutem vorat. Ibi ore virgineo ad pudicitia perpetranda naufragia Scyllæum renidens, libido blanditur. Hic barbarum littus, hic Diabolus pirata cum socijs portat vincula capiendis. Nolite credere, nolite esse securi; licet in modum stagni refusum æquor arrideat, licet vix summa elementi terga crispentur, magnos hic campus montes habet. Intus est periculum, intus hostis. Expedite rudentes, vela suspendite, crux antennæ figatur in frontibus. Hæc S. Doctor.

Sirenes dum canunt, mergunt. Socrates apud Stobæum: Δεῖ ὥσπερ σειρῆνες τὰς οἰδοντας πάρελθεῖν, τὸν επεύδοντα τὴν αὔξετὴν ιδεῖν ωταρές παραγόντα, id est: Oportet voluptates præterire velut Sirenes eum, qui virtutem, tanquam patriam intueri desiderat. Quibus verbis allusit ad Vlyssem, cera obturatis auribus (quod dicemus) præternavigantem Sirenas, ut Ithacæ patriæ fumum subsilientem cerneret. Longè dulcior nos vocat patria Cœlum, cuius desiderio qui tenetur, eum oportet malæ voluptatis illecebrosas negligere & aspernari.

S. Ambrosius in psal. 43. Illecebrosos Sirenū cantus eleganter, ut solet, ad hoc ipsum argumentum applicat. Sirenes, inquit, quasdam fuisse puellas gentilis tradit historia: quæ vocis suavitate, canendi illecebrosis, audiendi studio illectos navigantes ad littus admovere navigia inducebant, eosque (cum gratiam vocis sequerentur) scopulos in loco naufragium facere solitos, vetustas posteris tradidit. Ita sæculi voluptas nos quadam carnali modulatione delectat, ut decipiatur. Ut ergo illuc non littus in vitio erat, sed canora dulcedo: ita non caro invitio, sed ea, quibus caro ista sollicitatur & fluctuat. Et comment. in Luc. lib. 4. in proœmio. Sic Vlyssem, inquit, ut fabula ferunt (licet & propheta Isaias dixerit c. 13. habitabunt in ea filiae Sirenū) post decem annorum exilia, quibus bellatum in Ilio est: decimque erroris annos, festinantem ad patriam, Sirenes cantu vocis illectum, ad illud famosum voluptatis naufragium pœnè deduxerunt, nisi adversus illecebrosæ sonitus cantilenæ, inserta cera sociorum clausisset aures. Et subjungit, animam, Vlyssis exemplo, ad crucis lignum spiritualibus nexibus viniciendam, ne lascivarum rerum moveatur illecebrosis, cursimque naturæ detorqueat in periculum voluptatis.

II. (c) De Sirenaibus locus Isaiæ cap. 13. sic habet: *Et erit Bæbylon*

(c) *Quid sirenes sunt in S. Scriptura.*

bylon illa gloria in regnis, inclita superbia Chaldeorum: sicut subverit Dominus Sodomam & Gomorrah. Non habitabitur usque ad finem, sed requiescent ibi bestie, & replebuntur domus eorum draconibus: & habitabunt ibi struthiones: & pilos saltabunt ibi: & respondebunt ibi ulula in aribus ejus, & Sirenes in delubris voluptatis. Quibus verbis describit interitum, desolationem ac vastationem Babyloniae à Cyro inferendam. Vbi per pilos intelligit Faunos & Satyros, hoc est, dæmones, scilicet qui in silvis & locis desertis apparent hirsuti specie hircorum, quasi Di nemorum; de quibus idem Propheta cap. 34. ubi agit de excidio Idmæ, aitque terram illam futuram cubile draconum & pascua struthionum, subdit: Et occurent dæmonia onocentauris, & pilosus clamabit alter ad alterum: ibi cubavit lamia, & invenit sibi requiem, id est spectra diabolica partini hominem, partim equum vel asinum referentia, aut pilosum hircum mentientia, & speciem colludentium & saltantium præferentia. Lamia, sunt dæmones succubi, qui Empusa dicuntur, de nocte monstrofis formis hominem terrentes. Sed redeamus ad cap. 13. Isaiæ. pilos saltabunt ibi, nempe larvati dæmones, sicut Iasciventes hœdi, militarem in modum è diversis stationibus emissi, adversis frontibus congregentur, insultabunt & arietabunt. Sirenes in delubris voluptatis, scilicet habitabunt, id est, ut S. Hieronymus ait, aut monstra, aut dracones magni, cristati & volantes: hi enim ferè sunt in locis desertis & devastatis, horumque speciem sæpe assumunt dæmones. Tropologicè, Siren, inquit D. Basilius, est dæmon, qui animam voluptate allicit & decipit. In delubris voluptatis, hoc est, in palatijs voluptuosis (Babylon enim erat construta, & comparata ad omnem voluptatem & pompam) post excisionem pro delicijs erunt in delicijs dracones, pro citharœdis ululæ & bubes, pro famulis & asseclis Fauni & Satyri horribiles.

III. (d) Atque ut Physicum etiam aliquid de Sirenibus referamus. Siren est species monstri aquatici & marini, ore & pube tenus virgo, infernè pisces, qualis nostro saeculo in Frisia captus, vixit inter homines multos annos, didicique nere. Correl. in hunc locum. Memorabile est, quod de Sirenibus refert Franciscus Sacchinius in historia Societatis nostræ lib. 4. parte 2. ad annum 1560. In insula Manaria, quæ ducentis à Goa, India metropolí, leucis distat, dum Dimas pro regis medicus, & P. Henricus Henricius familiariter inter se agunt, adsunt velut stupentes, magnisque cum clamoribus pescatores, patrem Henricum ad suas ut iret scaphas, rogantes, spectatum ingens naturæ miraculum.

(d) Qualia physicæ sint monstra Sirenes.